

84158

Ordinis Sancti Augustini Portugallien. nullitatis Congregationis Intermediæ.

Eñe, & Rñe Dñe. **I**N Sacra Congregatione habita die 31. Augusti, dilata resolutione præsentis Causæ *Ad aliam*, prætendente P. Procuratore Generali Ordinis audiri super iuribus etiam Reuerendissimi P. Prioris Generalis; iterum hodiè supplicamus responderi = *Prò nullitate Congregationis Intermediæ celebratæ de mense Nouembris 1707.* sub assistentia Eminentissimi D. mei Nuncij in Lusitania ex Decreto Sac. huius Congregationis 12. Augusti 1707., in quo fuit demandata eius assistentia, & *Prò celebratione nouæ Congregationis*, non obstante oppositione superaddita P. Procuratoris Generalis nomine Religionis, seu Officij, & Dignitatis Generalitæ.

2 Iura siquidem Generalitæ, vt supponimus, consistentia in deuolutione iuris iubilandi, & postulandi Lectores ad magisteria, & Præsentaturas, aliaque peragendi spectantia ad Congregationem Intermediam, nequaquam locum habent in præsentiarum, vt mox ostendemus, & ex alia parte de nullitate, & immatura conclusione Congregationis Intermediæ cum præiudicio maioris partis Vocalium apertissimè constat, tum ex motiuis deductis in elapsa, tum ex meliùs enucleandis in præsentibus.

3 Et profectò quantum ad deuolutionem iuris iubilandi, & postulandi Lectores, aliorumque iurium, & actorum Congregationis Intermediæ, ad Reuerendissimum P. Generalem Priorem totius Ordinis Eremitici Augustinianorum, quæ ex Constitutionibus allegabilibus Religionis posset prætendi (quam si tempus suppetere de reliquo exoptaremus confisi in summa æqualitate d. Reuerendissimi P. Prioris Generalis) credimus non intrare in nostro Casu.

4 Non enim agitur hic de Capitulo, vel Congregatione Intermediæ non celebrata intrâ legitimum tempus, vel nullatenus celebrata, vel peccante in forma, & contrâ Constitutiones ex culpa omnium vocalium eam componentium, in quibus tribus casibus, & singulis eorundem respectiue aperitur via deuolutioni, vt ex *cap. nò prò defectu de Elect.*, *capit. licet de supplen. neglig. Prælatorum*, *cap. 2. de concess. Præben.*, tradunt *Panormitan.*, *Cassellin.*, *Barbof.*, & alij congesti per *Passerin. de Elect. cap. 31. quæst. 3. nu. 14.*, 15., & seqq., & per totam quæst.

5 Sed versamur in casu, quo Congregatio fuit celebrata, & non solum minor pars insistens prò obseruantia Constitutionum, quæ

sufficeret iuxta laudatum Passerin. cit. num. 15. ; quinimò maior pars Vocalium conflata ex quinque Patribus non concurrit, & fuit impedita votare, vt dicebamus in antecedenti Informatione, & melius elucidabimus in præfenti. Tali enim in Themate deuotio neutriquam quadrat, quia induceret priuationem iuris maioris partis Capituli, quæ in nihilo peccauit, sed fuit spreta, & suffragare, vel nolens cum iusto motiuo, vel impedita: vnde confitit de nullitate Congregationis, ad conseruandum eorum ius debet demandari noua celebratio.

- 6 Et sanè ad cognoscendam nullitatem Congregationis Intermediæ, præcæteris allegatis motiuis in elapsa ex gratia reassumen., sat est insistere in eo, quod acta eiusdem expleta, & consummata fuerunt à minori parte vocalium, nempe quatuor ex nouem Patribus, illam componentibus, semper, & in omni actu spretis, & impeditis votare, vel votantibus in contrarium quinque PP. constituentibus maiorem partem, in quibus terminis nullus actus dici valet Canonicus, legitimus, & Collegialis, sed positiuè insubstans totum id, quod in ea gestum legitur, vt vltra citatos in reassumenda §. 14. notat Sigismund. à Bonon., Samuel de Elect., quos citat, & sequitur Passerin. de Elect. cap. 11. quæst. 112. numero 110.
- 7 Hoc posito, & admissio per EE. PP., in antecedenti Informatione difficultas vnice restringebatur ad probationem modi celebrationis Capituli, super quo supplicamus reflecti, quod probatio concludentissima, & maior, quæ haberi possit in mundo, videlicet confessionum Partis, & Instrumento actorum, resultat ex ipso tenore actorum, quæ ex aduerso fuerunt transmissa ad Reuerendissimum P. Generalem Ordinis prò confirmatione consistentia in iubilationibus Lectorum, eorumque postulationibus ad magisteria, & mutationibus, ac destinationibus respectiuè quinque Superiorum, Summario reassumen. Num. 7., ibi etenim apparent subscriptiones quatuor dumtaxat PP. Vocalium.
- 8 Quod autem defectus subscriptionis aliorum quinque PP. proueniat ex eo, quod inclinarunt in partem negatiuam, seu fuerunt impediti votare, vt nos substinemus, vel potius quod concurrerint, & postea eosdem pæniterit, aut renuerint sine motiuo legitimo, vt Pars aduersa prætendit, facile est dignoscere ex serie rei gestæ hinc indè enarrata in protestationibus, & appellationibus datis Summario nostro reassumen. Numero 3., & Partis Numero 4.
- 9 Respectu siquidem iubilationum, quæ secum ferunt postulationes, & sunt præcipua materia Congregationis Intermediæ, & grauius in Religione punctum sistendo in Confessione Partis dicto eius Summario reassumen. Num. 4., consequimur à primò lit. E., quod in prima Sessione Congregationis habita die 9. Nouembris 1707. pro-

propositæ iubilationes per vota Vocalium, fuerunt remissæ ad examen Magistrorum super requisitis Constitutionum. Item *ex littera L.*, quod in secunda sessione tenta die 12. dicti iterum propositis iubilationibus, mandauit Eminentissimus D. Nuncius considerari, & resolui; Item *ex litt. N.*, quod in tertia Sessione habita die 16. dicti præcipiente Eminentissimo D. Nuncio, vt legerentur acta, respondit P. Præsidens, appellantes noluisse subscribere iubilationes, quod vnicè deficiebat, & *litt. O.* insistente dicto Eminentissimo, vt coram eo resolverentur, respondit P. Tauora, non esse locum, quia adhuc non erat terminata Congregatio, ac *litt. Q.* iterum insistente eodem Eminentissimo prò resolutione, respondisse Procuratorem Saa, quod circa iubilationes erat procedendum per vota, super quo annuente Eminentissimo *litt. R.*, dictum fuit procedendum per vota secreta.

10 Post tot, tantasque diligentias, & controuersias super approbatione iubilationum crutas ex confessione Partium, videant quæso EE. PP. quantum fidei mereatur id, quod sequitur narrare Pars aduersa dicto Num. 4. eius Summarij littera S. ibi = *Se la verità è, che ordinando V. E., che douesse uscire la Comunità fuori, e restando con li noue Padri della Congregatione, se hanno votato li medemi noue Padri in voce, & hanno dati per Giubilati li detti Lettori* = seu potius concordando Textus, & Partium Confessiones veniat concludendum ex sola verisimilitudine rei gestæ, quod iubilationes expletæ fuerunt tumultuario modo, elatis vocibus ab Aduersarijs, & coadiuuantibus Ministris Nunciaturæ, impeditis, ac suffocatis suffragijs Principalium inter elatiores voces Aduersariorum, vt testantur quinque PP. nostri Principales in eorum appellatione *Summario nostro reassumen. Numero 3. litt. S.*

11 Hoc solum sufficeret; Verum non deest legale motium, propter quod deferendum venit dicto nostrorum Principalium, quia de gestis in Congregatione, & aula Capitulari (cum nihil super hoc puncto iubilationum legatur in folio annexo relationi Eminentissimi D. Nuncij dato in *Summario nostro Numero 8.*, & *Partis Numero 3.*) veritas aliundè haberi nequit, quam ex depositionibus eorundem Vocalium, talique casu in concursu depositionum hinc inde datarum profectò præualet depositio Principalium constituentium maiorem partem ex allegatis in nostra elapsa Informatione reassumen. §. 7., quibus addi potest Cardinal de Luc. de Iudic. disc. 32. Numero 46., & de Testam. disc. 14. Numero 4., eo præsertim quia ex præiis Depositis maioris partis coadiuuatur ex verisimilitudine actus gesti confrontatis Partium dictis.

12 Quantum itaque ad iubilationes, & postulationes Lectorum ad magisteria, & gradus, nemò non videt, scatere insanabilem nullitatem

ratem tumultuariæ approbationis à minore parte Vocalium exple-
tæ, propter quam Sacri Canones annullant electiones quascum-
que hoc modo celebratas, sicut & quoscumque actus collegiali-
tèr, & capitularitèr explendos per vota, ad notata per *Passerin.*
de elect. cap. 1. quest. 4. à num. 56., vbi loquitur de Electione per
inspirationem sublata per Sac. Concil. Tridentin. in Electionibus
Regularium, & meliùs *Fagnan. in repetit. ad cap. licèt de euitanda.*
de Elect. num. 50., vbi quod tali casu dicitur ad instigationem, &
non ad inspirationem.

13 Vndè cum incontrouertibile sit, quod iubilationes, & postulatio-
nes, de quibus agitur, sunt approbandæ collegialitèr, & per vota
secreta, tum ex natura actus capitularis, tum ex præscripto Emi-
nentissimi Domini Nuncij, qui protestantibus PP. Appellantibus,
vt in dd. iubilationibus procederetur per vota secreta, dicto *Sum-*
mario Partis reassumen. Num. 4. litt. RR. declarauit, & mandauit
dicta litt. R. = *Votassero, come gli fosse parso* = Tum & tertid ex sty-
lo, & obseruantia inconcussa in Religione approbandi iubilatio-
nes, & postulationes per vota secreta, de qua testatur Reueren-
dissimus P. meus Prior Generalis prò voto requisitus ab hac Sac.
Congregatione in sua noua relatione, quæ datur in calce huius
Summ. Num. unico, ex gratia perlegenda.

14 Quæ quidem obseruantia, & consuetudo sola de per se cæteris præ-
cisiss in hoc genere venit obseruanda, etiamsi de iure disponderetur
contrariam, vt in terminis proximis formæ rigorosæ Canonum
seruandæ in Electionibus Superiorum Regularium, quod debeat
seruari etiam in Electione, & nominatione, seu postulatione alio-
rum Officialium, si ita exigit Consuetudo, docet *Sigismund. à Bo-*
non, de Elect. dub. 6. num. 5., quem alijs congestis citat, & sequitur
Passerin. cap. 9. q. 8. n. 59.

15 Idque eo magis seruandum erat summo cum rigore in dictis iu-
bilationibus, quia cum sit materia grauissima schalam præ-
bens ad postulationem ad gradus etiam magisterij, approba-
tio venit consummanda ea maiori animaduersione, & cauthela
possibili, nè detur aditus fraudibus inhabilium, & præiudicijs
habilium.

16 Præmissa, & ostensa circà iubilationes, & postulationes æquè vr-
gent circà actus trium mutationum Superiorum, quæ subsequun-
tur in codice actorum transmissio ad P. Reuerendissimum Genera-
lem, & dato in nostro *Summario reassumen. Num. 7.*, nam de illis
nec verbum habetur in folio relationis Eminentissimi Domini
Nuncij, dicto *Summario Num. 8.*, nec iota vllum in Interrogato-
rijs PP. Aduersariorum; Vndè standum est dicto PP. Appellaa-
tium numero plurium, qui dicto *Summario nostro Num. 2. litt. R.*
iuramento testantur, mutationes Conuentuum non fuisse permis-
sas in Congregatione Intermedia, ad quam pertinebant, sed remis-
sas

fas extitisse ad Definitorium priuatum, & tamen in actis tres leguntur registrata.

- 17 Concludendum propterea venit argumento dilemmatis, quod in actis transmissis nostri Principales, vel nullatenus potuerunt votare, sed sola minor pars turmatim omnia gessit, vel si voterunt, eorum votum negatiuum erat, & non fuit descriptum; quin vllatenus profiti dicere, quod valentes noluerint votare; nam manifestum est, quod si potuissent suffragare, vtique non omisissent, quia erant in maiori parte, & votando praualuissent supra minorem, vt ad sensum patet, & dicit regula iuris, quod nemo præsimitur negligere ius suum, si eo potest vt cum fructu.

- 18 Et hoc confirmatur, percurrendo folium relationis Eminentissimi Domini Nuncij, in quo narrantur quatuor difficultates subortæ in prima, & secunda sessione, consistens prima in admissione renunciationis P. Iosephi à S. Thoma, secunda in applicatione pecuniarum Conuentui Leyrien., tertia in admissione renunciationis P. Procuratoris Prouinciæ, & quarta in prouisione Cathedrarum ad instantiam Scholarium, & super hisce omnibus narrat ingenuè Extensor dicti folij, quod concurrebant PP. appellantes in votum affirmatiuum, sed quod Eminentissimus Dominus Nuncius assistens, seu eius Auditor adhæserunt sensui negatiuo minoris Partis; Exindeque crescit, vt dicebamus, dilemma, quod sicuti in istis actis, quæ non leguntur registrata in Codice transmissio ad P. Generalem, ita in alijs omnibus vel fuerunt Appellantes impediti votare, vel eorum votum negatiuum non fuit attentum ad actus consummationem, & registrationem.

- 19 Hinc etiam videtur remoueri in facto prætenso Partis, quod nostri Principales Appellantes fuerint conformes in pluribus actis Capitularibus, & postea illa noluerint subscribere, nam in facto acta non habemus alia subscripta à quatuor PP., quam iubilationes, & mutationes, vt supra, ad satietatem impugnata; alia acta non subscripta, & non registrata, de quibus meminit D. Extensor in folio relationis Eminentissimi Domini mei Nuncij, & in quibus præualuit sensus PP. Appellantium non fuerunt data pro conclusis; Vltra hæc acta nullum aliud actum restat, aut specificatur, nec in relatione, nec in Instrumento actorum, super quo cadere possit prætenso vniformitas consensus Principalium: Ideoque non subsistit d. prætenso Partis.

- 20 Potius ex omnibus concludendum credimus, quod tam ratione eorum, quæ nulliter gesta sunt in Congregatione, sprete maiori parte, quam ratione omisso, super quibus nos remittimus ad deducta in elapsa hic non repetenda ad euitandam prolixitatem; Venit demandanda celebratio nouæ Congregationis Intermediæ
antè

antè Capitulum Prouinciale cum assistentia Eminentissimi Domini Nuncij, qui dignetur tueri libertatem Vocalium, prout responderi enixè exoramus.

Quare &c.

Sigismundus Driolus.

SUMMARIUM

Num. vnico.
Preces super modo faciendi Iubilationes, & postulationes remissæ à Rñum P. Priorem Generalè Ordinis pro Informatione, & Voto.

Eñe, & Rñe Dñe. **D**illata resolutione Causæ Prouincialis. Augustinianorum super Congregatione Intermedia. Ad aliam proximam Congregationem, & consistente præcipua materia in iubilationibus, & postulationibus Lectorum ad gradus Præsentaturæ, & magisterij, quæ sunt securæ non solum cum minore parte suffragiorum, sed etiam tumultuariè, vt ex Iuribus iam datis adhuc vt Eminentissimi Patres certius norint, quanta ponderatione actus promissi geri debeat, quantaque maturitate resolui per vota secreta ad instar cuiusvis canonicæ Electionis tamquam actus Collegiales, & Capitulares; Supplicat propterea EE.VV. maior pars vocalium dictæ Congregationis Intermediæ, quatenus dignentur super vsu stylo, & obseruantia semper practicatis in ordine quoad huiusmodi acta, & quod fieri nequaquam valeant, nisi in Capitulis Generalibus, seu Prouincialibus, seu Congregationibus Intermedijs audire votum, & sensum Reuerendissimi P. Prioris Generalis Ordinis, remittendum ad Eminentissimum Gabriellum Causæ Ponentem, & pro gratia &c.

P. Priori Generalis Ordinis pro Informatione, & Voto.

Sigismundus Driolus.

Votum P. Prioris Generalis.

Eñe, & Rñe Dñe. **I**n omnibus, & singulis Ordinibus Eremitarum S. Augustini Magisteria, & Præsentaturæ admittentibus Iubilatorum Declarationes, eorundemque ad magisteria, & præsentaturæ Postulationes à pleno sunt Denuntorio, siue in Capitulis Prouincialibus, siue in Congregationibus Intermedijs; Hanc eandem Consuetudinem

in Prouincia quoque Lusitaniæ vigere ex eiusdem Prouin-
ciæ actis Capitularibus, & intermedijs edoccor. Verum
nihilominus est aliquando in Capitulo priuato, cui consti-
tuendo Prouincialis, & duo Defensores sufficiunt testimo-
nia dari, quod aliquis 12. annos Lecturæ explenerit ad hoc,
vt Generalis si velit possit eidem Magisterium, seu Præsenta-
taturam conferre independentèr à Postulatione Prouin-
ciæ: Nunquam tamen quod sciam à Capitulo priuato
Iubilatorum declarationes fiunt, aut eorundem ad gradus
postulationes, vtque id muneris nullo modo Capitulo Pri-
uato competat recta regiminis ratio postulat cum de facili
tres, aut quatuor PP. integrum Capitulum priuatum con-
stituentes inter se conuenire possent, vt Iubilatos decla-
rent, aut ad gradus postulent sibi addictos, quamuis ne-
cessarijs requisitis destitutos dignis, & dignioribus præter-
missis, quod præsumi non debet de pleni Definitorio ad
quod integrandum nouem PP. ex legis præscripto de ne-
cessitate concurrunt. Hac de causam solent Generales
gradus conferre, nisi prius ex actis Capitularibus, vel In-
termedijs ipsis constituit Candidatos statutos lecturæ an-
nos absoluisse, quæ referens EE. VV. humiliter me subijcio.
Quam Deus &c. Ex Conuentu S. Augustini de Vrbe 5. Se-
ptembris 1708.

Fr. Adeodatus Nuzzi Generalis Ord. S. Augustini.

S A C R A
C O N G R E G A T I O N E

Episcoporum, & Regularium

Eñno, & Rñno D. Card.

G A B R I E L L I O

P O N E N T E


Ordinis S. Augustini Por-
tugallien. nullitatis Cō-
gregationis Inter-
mediæ.

P R O

Maiore parte Vocalium.

C O N T R A

Minorem partem.



Nouum Memoriale Facti cum mo-
tius reassumatur, & Summario
ex gratia viden.

— Typis De Comitibus 1708 —